

(<https://news.usm.my>)

Berita Mutakhir

26 DEC

USM KEHILANGAN SASTERAWAN NEGARA



PULAU PINANG, 26 Disember 2017 – Seluruh warga Universiti Sains Malaysia (USM) melahirkan rasa sedih atas kehilangan sasterawan negara yang juga penerima Profesor Emeritus USM pada tahun 1993, Dato' Haji Shahnun Ahmad pagi ini.

Allahyarham Shahnun menghembuskan nafas terakhir pada kira-kira jam 8.00 pagi ini di Hospital KPJ Kajang, Selangor pada usia 84 tahun.

Allahyarham yang dilahirkan pada tahun 1933 di Sik, Kedah juga adalah mantan Dekan Pusat Pengajian Ilmu Kemanusiaan (Januari 1979 – September 1982) serta Pengarah Pusat Islam USM.

Pemegang gelaran Sasterawan Negara sejak tahun 1982 tersebut sangat minat dalam bidang penulisan termasuk cerpen, novel, esei dan kritikan serta terjemahan buku-buku Bahasa Rusia.

Untuk rekod, Allahyarham Shahnnon pernah mengajar di Maktab Sultan Abdul Hamid (1960-1963) dan di Sekolah Menengah Kebangsaan Sultan Abdul Halim (1967). Pada tahun 1968, Allahyarham menjadi pegawai penyelidik di Australian National University (ANU), Canberra, Australia dan menyambung pengajian di peringkat Ijazah Sarjana Muda (1971).

Sesungguhnya Allahyarham Shahnnon telah banyak memberi sumbangan daripada bakat kreatif dan minatnya yang mendalam dalam penulisan kepada perkembangan dunia sastera. Jasa dan sumbangan Allahyarham pastinya akan sentiasa dikenang sepanjang masa.

Teks: Nor Rafizah Md. Zain / Infografik: Ebrahim Abdul Manan



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015